

Bosna i Hercegovina/Federacija BiH

Zeničko-dobojski kanton

GRAD/OPĆINA \_\_\_\_\_

Služba za \_\_\_\_\_

Na osnovu člana 11. Uredbe o prednosti u školovanju djece branilaca („Službene novine Zeničko-dobojskog kantona“ broj: 1/25) (u daljem tekstu Uredba) i tačke 6. Instrukcije za provođenje konkursne procedure za dodjelu novčane pomoći za nabavku školskih udžbenika i pribora za potrebe redovnog školovanja u školskoj 2025./2026.godini broj: 13/03-2-3-37-14072-2/25. od 23.07.2025.godine, Gradska/Općinska služba \_\_\_\_\_, dana 01.08.2025. godine objavljuje

## K O N K U R S

**za dodjelu novčane pomoći za nabavku školskih udžbenika i pribora za potrebe redovnog školovanja u školskoj 2025./2026.godini**

### I. Predmet konkursa

Obavještavaju se pripadnici branilačke populacije (djeca branilaca) koji imaju prebivalište ili boravište na području grada/općine \_\_\_\_\_ u trajanju od najmanje 24 mjeseca neprekidno do dana podnošenja zahtjeva, koji prava iz oblasti branilačko-invalidske zaštite ostvaruju u gradu/općini \_\_\_\_\_, kao i povratnici u entitet Republiku Srpsku koji ostvaruju osnovna prava iz branilačko-invalidske zaštite i koji su na evidenciji nadležnog organa za vojne evidencije u gradu/općini \_\_\_\_\_, **o mogućnosti podnošenja zahtjeva za dodjelu novčane pomoći za nabavku školskih udžbenika i pribora za potrebe redovnog školovanja u školskoj 2025./2026.godini.**

Visina novčane pomoći odredit će se odlukom Ministra Ministarstva za boračka pitanja s tim da iznos ne može biti manji od:

- 1) za nabavku školskih udžbenika i pribora za osnovne škole.....200,00 KM
- 2) za nabavku školskih udžbenika i pribora za srednje škole.....300,00 KM

### II. Pravo učešća na konkursu imaju:

- djeca dobitnika ratnog priznanja ili odlikovanja;
- djeca ratnog vojnog invalida;
- djeca demobiliziranog branioca koji je u periodu 06.04.1992. do 23.12.1995 godine u sastavu Oružanih snaga proveo najmanje 24 mjeseca odnosno 12 mjeseci, ukoliko je u OS pristupio kao maloljetno lice ili šest mjeseci po punoljetstvu;
- djeca umrlog dobitnika ratnog priznanja ili odlikovanja;
- djeca umrlog ratnog vojnog invalida i
- djeca umrlog demobiliziranog branioca koji je u periodu 06.04.1992. do 23.12.1995 godine u sastavu Oružanih snaga proveo najmanje 24 mjeseca odnosno 12 mjeseci, ukoliko je u OS pristupio kao maloljetno lice ili šest mjeseci po punoljetstvu, dok su na redovnom školovanju.

### III. Pravo ne mogu ostvariti lica:

- 1) koja obnavljaju istu godinu školovanja;
- 2) čiji su članovi porodičnog domaćinstva vlasnici ili suvlasnici subjekta koji obavlja privrednu ili drugu djelatnost, registriranog kao privredno društvo;
- 3) kod kojeg ukupna primanja zajedničkog domaćinstva, po članu zajedničkog domaćinstva prelaze iznos od jedne polovine prosječne neto plaće isplaćene u Federaciji Bosne i Hercegovine u predhodnoj godini prema podacima Federalnog zavoda za statistiku (686,50KM po članu domaćinstva);

#### IV. Zainteresovani kandidat uz prijavu prilažu sljedeće dokaze:

- dokaz o statusu pripadnika branilačke populacije roditelja/staratelja, a za djecu umrlih branilaca i izvod iz matične knjige rođenih korisnika prava i izvod iz matične knjige umrlih za roditelja;
- đaćku knjižicu, odnosno svjedočanstvo iz prethodne godine;
- izjavu o zajedničkom domaćinstvu (kućna lista)
- dokaz o visini prihoda podnosioca zahtjeva i punoljetnih članova zajedničkog domaćinstva:
  - 1) dokaz o prihodima zaposlenih – uvjerenje o prosječnoj plaći u posljednja tri mjeseca prije podnošenja zahtjeva, a kod vlasnika samostalne djelatnosti-Specifikacija za utvrđivanje dohotka od samostalne djelatnosti - obrazac SPR 1053 (koji se podnosi uz Godišnju poreznu prijavu/Godišnju prijavu dohotka) za prethodnu kalendarsku godinu, a u slučaju da samostalna djelatnost posluje manje od godinu dana dostavlja se potvrda ovlaštenog knjigovođe,
  - 2) u slučaju nezaposlenosti - uvjerenje nadležne Porezne ispostave o statusu osiguranika, odnosno da se isti ne vodi u jedinstvenom sistemu uplate doprinosa;
- uvjerenje nadležne Porezne uprave-Porezne ispostave kao dokaz da oni i članovi njihovog zajedničkog domaćinstva nisu vlasnici ili suvlasnici subjekta koji obavljaju privrednu ili drugu djelatnost, registrovano kao privredno društvo;
- izjavu o ukupnim prihodima domaćinstva i
- uvjerenje o kretanju (kao dokaz o prebivalištu).

#### V. Konkurs ostaje otvoren 20 dana od dana objavljivanja.

Za djecu pripadnika branilačke populacije zahtjev za dodjelu novčane pomoći za nabavku udžbenika i pribora za potrebe redovnog školovanja sa drugom potrebnom dokumentacijom podnosi roditelj/staratelj u vremenu od 01.08. do 20.08.2025. godine (zadnji dan zaprimanja zahtjeva) u Službi za branilačko-invalidsku zaštitu grada/ općine \_\_\_\_\_ .

**Nepotpune, neblagovremene i neuredne prijave neće biti uzete u razmatranje.**

Broj: \_\_\_\_\_

Datum: \_\_\_\_\_